

# Dianchúrsa Ullmhúcháin i gCruinneas na Gaeilge

Bealtaine–Lúnasa 2016



- Cruinneas gramadaí
- Cúrsaí stíle
- Aistriúchán



## Cúlra

Ó bhain an Ghaeilge stádas oifigiúil amach san Aontas Eorpach agus ó achtaíodh Acht na dTeangacha Oifigiúla 2003, tá deiseanna nua fostaíochta ann dóibh siúd a bhfuil ardscileanna scríofa acu sa teanga. Tá go leor daoine ann a bhfuil líofacht acu sa Ghaeilge ach nach bhfuair deis cheart riamh gramadach chruinn a fhoghlaim ná cur lena scileanna scríofa. Chun freastal ar riachtanais an dreama seo, tá an Dianchúrsa Ullmhúcháin i gCruinneas na Gaeilge á réachtáil arís ag Gaelchultúr idir mí na Bealtaine agus mí Lúnasa 2016.

## Cé dóibh an cúrsa seo?

Tá an cúrsa páirtaimseartha seo dírithe orthu siúd ar mian leo iarratas a chur isteach ar chúrsa iarchéime Gaeilge – Dioplóma Iarchéime san Aistriúchán nó MA sa Ghaeilge Fheidhmeach, cuir i gcás – ach a mheasann nach bhfuil an caighdeán cúí bainte amach acu. Tá sé oiriúnach chomh maith do dhaoine a bhíonn ag obair trí mheán na Gaeilge go laethúil – iriseoirí, státseirbhísigh agus aistritheoirí, mar shampla – ar mian leo barr feabhais a chur ar a gcuid scileanna scríofa Gaeilge. Beidh an cúrsa seo ina chabhair freisin dóibh siúd a bhfuil sé beartaithe acu scrúdú Fhoras na Gaeilge a dhéanamh chun an Séala Creidiúnaithe d'Aistritheoirí a bhaint amach.

## Ábhar an chúrsa

Dírítear sa dianchúrsa ar chruinneas gramadaí, ar chúrsaí stíle agus ar an aistriúchán. Cuirtear béim chomh maith ar na hacmhainní teicneolaíochta atá ar fáil sa Ghaeilge, cinn ar líne ina measc.

## Obair an chúrsa

Déanann na rannpháirtithe an chuid is mó den chúrsa seo ar líne ach réachtáiltear seisiúin lae sa seomra ranga ar cheithre Shatharn éagsúla chomh maith. Seo iad na dátaí a bheidh i gceist i gcúrsa an tsamhraidh:

14 Bealtaine, 11 Meitheamh,  
9 Iúil, 13 Lúnasa

Beidh na seisiúin thuas ar siúl ag na hamanna seo: 10.00am–1.00pm agus 2.00–4.00pm. Ní bheidh sé éigeantach freastal ar na seisiúin seo sa seomra ranga ach moltar go láidir do na mic léinn a bheith i láthair acu.

## Cuntas ar ranganna.com

Cruthófar cuntas do na rannpháirtithe ar shuíomh ríomhfhoghlama Ghaelchultúir, ranganna.com, agus beidh deis acu ceachtanna idirghníomhacha a dhéanamh ar an suíomh sin agus aiseolas a fháil láithreach. Cuirfear fóram ar fáil dóibh freisin ar ranganna.com, áit a mbeidh siad in ann ábhar an chúrsa a phlé le mic léinn eile agus lena dteagascóir.

## Scrúdú roghnach

Beidh deis ag na mic léinn scrúdú gramadaí agus aistriúcháin dhá uair an chloig a dhéanamh ar chríochnú an chúrsa dóibh. Beidh an scrúdú seo ar siúl i mí Lúnasa 2016 ach ní bheidh sé éigeantach.

Glacfar leis an scrúdú ceann cúrsa mar scrúdú iontrála chomh maith don Dioplóma Iarchéime san Aistriúchán, cúrsa nua atá á réachtáil ag Coláiste na hÉireann/Gaelchultúr. Tá níos mó eolais le fáil faoin Dioplóma ar chlúdach cúl an bhróisiúir seo.



## Riachtanais iontrála

Tá an cúrsa seo oiriúnach dóibh siúd a n-éireoidh leo ar a laghad 80% a ghnóthú i dTriail Ghaeilge ar Líne Gaelchultúir. Tá an triail seo le fáil ar leathanach baile na suíomhanna gréasáin [www.gaelchultur.com](http://www.gaelchultur.com) agus [www.ranganna.com](http://www.ranganna.com).

## Táille

Cosnaíonn an Dianchúrsa Ullmhúcháin i gCruinneas na Gaeilge €450. Ní mór d'iarrthóirí an táille iomlán a íoc roimh thús an chúrsa.

## Tuilleadh eolais

Chun tuilleadh eolais a fháil maidir leis an gcúrsa, téigh go [www.gaelchultur.com](http://www.gaelchultur.com) nó déan teagmháil le hoifig Gaelchultúir. Sonraí teagmhála:

(01) 484 5220 | [eolas@gaelchultur.com](mailto:eolas@gaelchultur.com)

Tá eolas mar gheall ar chláru don chúrsa le fáil ar an gcéad leathanach eile.

## Dátaí tábhachtacha ag baint leis an gcúrsa

### Dáta deiridh d'iarratais:

Dé Céadaoin, 11 Bealtaine 2016

### Tús an chúrsa:

Dé Sathairn, 14 Bealtaine 2016

### Seisiúin eile an chúrsa:


Dé Sathairn, 11 Meitheamh 2016

Dé Sathairn, 9 Iúil 2016

Dé Sathairn, 13 Lúnasa 2016

### Scrúdú ceann cúrsa:

Dé Sathairn, 20 Lúnasa 2016





## Clárú don chúrsa

Is féidir clárú don Dianchúrsa Ullmhúcháin i gCruinneas na Gaeilge ar na bealaí seo a leanas:

- ar líne ag [www.gaelchultur.com](http://www.gaelchultur.com)
- trí ghlaoch ar (01) 484 5220 agus táille an chúrsa a íoc le cárta creidmheasa
- trí sheic nó ordú poist (iníoctha le 'Gaelchultúr') a chur sa phost chuig:  
Gaelchultúr, 11 Sráid an Chláraigh, Baile Átha Cliath 2
- trí fhoirm iarratais an chúrsa an íoslódáil ó [www.gaelchultur.com](http://www.gaelchultur.com), í a chomhlánú agus a sheoladh ar ais chuig Gaelchultúr.

## Dioplóma Iarchéime san Aistriúchán

Bhain Gaelchultúr amach stádas mar choláiste tríú leibhéal i mí Iúil 2013 agus cuireadh tús leis an gcéad chúrsa de chuid Choláiste na hÉireann/Ghaelchultúir, Dioplóma Iarchéime san Aistriúchán, i mí Mheán Fómhair 2013. Maireann an clár seo trí sheimeastar ar fad agus tá sé ag leibhéal 9 den Chreat Náisiúnta Cáilíochtaí.

Tá an Dioplóma Iarchéime san Aistriúchán dírithe orthu siúd a bhfuil cumas maith acu sa Ghaeilge cheana féin ach ar mian leo scileanna aistriúcháin a fhoghlaim nó cur leis na scileanna atá acu sa réimse sin. Tá sé oiriúnach chomh maith do dhaoine a bhíonn ag obair trí mheán na Gaeilge go laethúil – múinteoirí agus iriseoirí, mar shampla – ar mian leo barr feabhais a chur ar a gcuid scileanna scríofa Gaeilge. Rachaidh an cúrsa chun sochair freisin dóibhsean ar spéis leo post a bhaint amach mar aistritheoir, mar riarthóir nó mar dhlítheangeolaí in institiúid de chuid an Aontais Eorpaigh.

Tá an fhoghlaim chumaisc i gceist sa chúrsa, is é sin, meascán den staidéar ar líne, de ranganna beo ar líne, agus de léachtaí agus ranganna teagaisc sa seomra ranga. De bhrí go bhfuil go leor d'ábhar an chúrsa le fáil ar shuíomh ríomhfhoghlama Ghaelchultúir, [ranganna.com](http://ranganna.com), tá mic léinn ó gach cearn den tír in ann freastal air.

Chun teacht ar thuilleadh eolais faoin Dioplóma Iarchéime san Aistriúchán, mar aon le bróisiúr an chúrsa agus foirm iarratais, téigh go dtí an rannóg 'Iarchéim' ar [www.gaelchultur.com](http://www.gaelchultur.com). Is féidir teacht ar eolas breise freisin ach glaoch ar (01) 484 5220 nó scríobh chuig an seoladh [eolas@gaelchultur.com](mailto:eolas@gaelchultur.com).